

## Elak subsidi diseleweng

Isnin ini kerajaan akan umumkan butiran penuh program subsidi petrol bersasar. Katanya proses agihan dipermudahkan apabila bayaran tunai dimasukkan terus ke dalam akaun bank penerima yang layak, bukannya menggunakan kad.

Apa mekanisme diperkenal, harapnya jangan sampai ada ruang lompong sehingga membolehkan mana-mana pihak menyalah guna subsidi diberikan seperti sebelum ini.

Dalam hal ini kerajaan perlu pastikan silang semak dilakukan ke atas data penerima dari semasa ke semasa. Belalang tak mahu nanti ada yang mengadu, contohnya individu tertentu terima subsidi petrol, tetapi sebenarnya tidak menggunakan kenderaan.